



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec- || catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

VI. Vtrum SS. Patres, & veteres Doctores Ecclesiae, hanc Confessionis
audiend[a]e; hoc est, soluendi & ligandi potestatem, etiam solis
Sacerdotibus tribuerint.

urn:nbn:de:hbz:466:1-30362

Caput VI. De Ministro

tundum communem Doctorum sententiam, nisi fortè excusaretur inuincibili ignorantia,

Questio VI. Nunquid SS. Patres & veteres Doctores Ecclesie, hanc Confessionis audiendi, hoc est, soluendi & ligandi potestatem, etiam solis Sacerdotibus tribuere?

Responso. Maximè, idq; ex verbis illorum propriis liquidò constat.

Cle. in epi. ad Iac. fratrem Dñi. Clemens, Petri Apostoli discipulus, certè testatur, Petrum, dum se tradita sibi à Domino donaret potestate, sibi dixisse: Propter quod ipsi trado à Domino mihi traditam potestatem ligandi, & soluendi, vt de omnibus, quibuscunque decreuerit in terris, hoc decretum fit & in cœlis: Ligabit enim quod oportet ligari, & soluet, quod expedit solui, tanq̃ qui ad liquidum Ecclesie regulam nouerit.

Orig. super Leuit. homel. 2. Psal. 6. & 41. Psal. 31. Originis verò verba sic habent. Est adhuc & septima, licet dura & laboriosa per Pœnitentiam remissio peccatorum, cum lauat peccator in lachrymis stratum suum, & fiunt ei lachrymæ suæ panis, die ac nocte, cum non erubescit Sacerdoti Domini indicare peccatum suum, & quærere medicinam secundum eum, qui ait: Dixi, confitebor aduersum me iniustitiam meam Domino, & tu remisisti impietatem cordis mei, In quo impletur & illud,

illud, quod Iacobus Apostolus dicit: Si quis autē infirmatur, vocet Presbyteros Ecclesie.

Athanasius hoc ipsum etiam confirmat, Athana. in
dicens: Si nondum soluta sunt tibi vincula, serm. super
trade te ipsum discipulis I E S V: Ad sunt illa verba:
enim qui soluunt vos, potestate hac à Serua- Eunt in
tore accepta, quoniam quicquid ligaueritis vicum, qui
super terram, erit ligatum, inquit, & in cœ- contra vos
lo; quicquid solueritis super terrā, erit solu- est &c.
tum & in cœlo. Matth. 21.

Et D. Ambrosius, dum in Nouatianos in- Matth. 18.
uehitur: Sed aiunt, se Domino deferre reue- Amb. li. 1.
rentiam, cui soli remittendorum criminum de Poenit.
potestatem referunt; imò nulli maiorē in- ca. 2.
iuriā faciunt, quàm qui eius volunt mandata
rescindere, commissum munus refundere.
Nam cum ipse in Euangelio suo dixerit Do-
minus I E S V S: Accipite Spiritum sanctū, Ioan. 20.
quorum remiseritis peccata, remittuntur eis;
& quorum retinueritis, retenta sunt: Quis
est ergo, qui magis honorat, vtrum, qui mā-
datis obtemperat, an qui resistit?

Hieronymus idē confirmat, scribens: Sed Hier. in E-
de hoc gradu pulsus, prouocabis ad Clericos, pist. ad He-
an de his aliquid audeam dicere, qui certē in liodorum.
suis vrbibus commorantur? Absit, vt de his
quicquam finistrum loquar, qui Apostoli-
co gradui succedentes, Christi corpus sacro
ore cōficiunt, per quos & nos Christiani su-
mus; qui clauēs regni cœlorū habentes, quo-
dammodò ante iudicij diem iudicant.

Item

Caput VI. De Ministro

Aug. in li. de Pœnit. medicina que est homil. 50. Item B. Augustinus in eo opere, quod de Pœnitentiæ medicina inscripsit, vbi multa de Confessione, quæ Sacerdoti fit, doctè, eleganterque locutus est, ait: Iudicet ergo se ipsum homo voluntate, dum potest, & mores conuertat in melius, nè cum iam non poterit, etiam præter voluntatem à Domino iudicetur; & cum in se protulerit seuerissimæ medicinæ, sed tamen medicinæ sententiam, veniat ad Antistites, per quos illi in Ecclesia clauis ministrantur, & tanquã bonus incipiens esse filius, maternorum membrorum ordine custodito, à Præpositis Sacramentorũ accipiat satisfactionis suæ modum; & supplex.

Chryf. lib. 2. & 3. de Sacerdo. Chrystostomus hoc idem fatetur, dũ ait: Sicut Pater tradidit potestatem Filio iudicium faciendi; sic Filius Sacerdotibus. Et infra: Infamia manifesta est despiciere tantum principatum, sine quo, neque salutis, neque promissorum bonorum compotes fieri possumus: Hi sunt enim, qui non tantum regenerant nos in Baptismo; sed peccata post Baptismum remittunt, & veteris Testamenti Sacerdotes longè exuperant, qui tantum potestatem habebãt probandi à lepra purgatos; at nostris Sacerdotibus nõ corporis lepram, verum animæ sordes non modo probare, sed & purgare prorsus concessum est. Reliquos breuitatis studio prætereo.

Quidnam